

Txirritola

ARAMAIO / Egubakoitza / 2001eko azaroaren 30a / 6. zenbakia

KOORDINATZAILEA: Ubane Madera • Otolara Lizentziaduna, z/g 2500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

Datorren urteko zergak %3 igoko dira, KPIren igoeraren antzera

UBANE MADERA

Osoko bilkura izan zen eguaztenean Aramaion. Gai ugari landu zituen udalbatzarrek, tartean, datorren urteko udal ordenantzetan zerga, tasa eta herri prezioen igoera. %3 igotzea zen proposamena, eta horixe onartu zuten, KPIren igoerarekin bat eginez, gutxi gorabehera.

Zerga igoera hori apenas igarriko da zenbait gaitan. Esaterako, etxerako ura pezeta bat gares-

tiago izango da datorren urtean; horrela, 20m³raino 37 pezeta ordaindu beharko da. Nekazaritzarako ura, berriz, bi pezeta garestiagoa izango da, 54 pezeta 20m³raino (Azkoaga, Zabola, Untzilla, Suña eta Induspen %15eko beherapena izango dute). Estolderiagatik bi hilean behin 451 pezeta ordaindu beharko dira, eta saneamendurik ez duten etxebizitzetan dagoen hobi bakoitzeko, 1.676 pezeta.

Zaborrari dagokionez, Ibarako etxebizitzek 612 pezeta ordainduko dituzte, auzoetakoek,

berriz, 501; eta saltokiek, 1.115 pezeta.

Eta argindarrari dagokionez, udal argiketariaren joan-etorriengatik 1.697 pezeta ordaindu beharko dira, eta kopuru bera lan egiten duen ordu bakoitzeko.

Bestalde, kanposantuaren kopurua 19.145 pezetan geratuko da, eta ibilgailuei dagokienez, betiko moduan sei sailkapen egiten dira: auto txikiak, autobusak, kamioiak, traktoreak, atoiak eta gainerakoak. Auto txikietan, zortzi zaldi fiskaletik beherakotetan, 2.678 pezeta ezarri dituzte zerga moduan; 21 eta 50 lagunendako lekua duten autobusetan, 25.166 pezeta; 1.000 kiloko zama erabilgarria duten kamioietan, 8.970 pezeta; 16 zaldi baino gutxiagoko traktoreetan, 3.748 pezeta; 750 kilo baino gehiago eta 1.000 baino gutxiagoko zama duten atoietan, 3.748 pezeta, eta gainerako ibilgailuetan, ziklotoreetan, adibidez, 938 pezeta.

Kiroldegian, jokalekua 2-4 lagunek erabiltzearen, bakoitzak 500 pezeta ordaindu beharko ditu, futbolerako eta bestelakoetarako 700 pezeta bakoitzak, eta dutxak erabiltzearen, 200 pezeta. Udalerrian erroldatuta egon ezean, zerbitzu guztiak garestiagoak izango dira.



UBANE MADERA

Ura pezeta bat igoko da Ibaran, eta nekazaritzarako ura, bi pezeta.



Laster 200 bat ale banatuko dira


Joan den astean, *Goienkaria* eta TXIRRITOLA banatzeko sistema berria estreinatu zuten Aramaioko auzoetan. Joseba Espinosa gaiteztarrak ogiarekin batera banatzen du aldizkaria zapatu goizetan. Altxaga, Etxaguen, Arriola, Arexola, Gureia, Urizarri, Zabola, Azkoaga, Barajuen, Untzilla eta Suña da Josebak egiten duen ibilbidea. Hortaz, auzo horietako baten bizi denak hari eskatu beharko dio TXIRRITOLA. Josebak urte eta erdi daroa inguru hartan ogia banatzen, eta adierazi du jende dezente eskatu diola aldizkaria, baina haren ustez, jende gehiagok eskatuko dio.

ATREBENTZIAEZPADA/ Zure ustez, Gabonak asko aurreratzen dira?



MARIA NAFARRATE
Ikaslea

Akaso lasterregi etortzen dira, baina niretako ondo dago Gabon giroa lehenago ipintzea. Nire ustez, polita geratzen dira kaleak argiekin...




JABIER GARDOKI
Langilea

Ni konforme nago orain dauden moduan. Nire ustez, dagokienez etortzen dira Gabonak, bere denboran. Niri gustatzen zaizkit, ondo dago.



JABIER UNTZUETA
Erretiratua

Bere garaian datozela uste dut, konforme nago dagoenetan. Gainera, Gabonetan egoten den ohiko giroa gustatzen zait.



FAUSTINO LOITI
Langilea

Nire ustez, antzina baino lehenago etortzen dira Gabonak, baina niri ondo iruditzen zait, beti gustatu izan zait eta Gabonetako giroa.



LUIS GODOI
Langilea

Nire ustetan, lasterregi hasi dira, abenduaren erdialdean hastearrekin nahikoa izango litzateke. Edozelan ere, ez zait txar-to iruditzen.

LABUR

Gabonetako argiak ipini dituzte oraingo astean

Gabonak hasi dira Aramaiora iristen. Hain justu, oraingo astean, Gabonetako argiak ipintzen jardun dute udal langileek. Eta, aurreko urteetan moduan, aurtengo Gabonetarako asmoa zen Aramaioko hirugarren auzo batendako argiak erostea, eta horrela urtero-urtero auzo guztietako zerbait erostea. Baina aurrekontu murrizketa egon da, hortaz, iaz bezalaxe, aurtentzen, Ibarra, Arriola eta Azkoaga auzoetan ipiniko dituzte argiak.

TELEFONO JAKINGARRIAK

OSASUNA / LARRIALDIK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuñako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	
GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

LABUR

ZOKKETAKO SARIK

Aramaioko Trikitixa Taldearen 2001eko zozketa-ko zerbaki sarituak hauek izan dira. Lau lagunendako afariak:

1.025 zerbakia, Iturrieta sagardotegian; 1.526 zerbakia, Goiko tabernan; 970 zerbakia, Añai erretegian; 1.446 zerbakia, Dukiena jatetxean; 4.027 zerbakia, Iparralde tabernan; eta 3.553 zerbakia, Unzueta jatetxean.

Sariak jasotzeko azkene-ko eguna abenduaren 31 da. Informazio gehiago 945445392 edo 945445205 telefonoetan.

BERTSO AFARIA

Aurreko astean, Gantzaga-ko auzokideen afaria iragarri genuen joan den egubakoitzerako; baina afaria gaur izango da. Iturrieta sagardotegian elkartuko dira Gantzagako auzokideak, 21:30ean, eta Imanol Lazkano eta Har-kaitz Estivalles bertsolariak izango dira giroa berotzen. Eta, jakina, afalosterako, kafe ordurako dei gura diete parranda egin gura duten gainerako herritarrei ere.


KULTURA

Bergarara joan da Argazki Rallyko lehenengo saria. Hirugarrena, berriz, Aramaiora

Bergarara joan zen aurtengo Argazki Rallyaren lehenengo saria (45.000 pezeta), Jose Luis Feoren eskuetara, hain zuzen. Bigarren saria (30.000 pezeta) Joseba Gra-jales gasteiztarak irabazi zuen. Eta hirugarren saria (20.000 peze-ta) Itsaso López de Bergara aramaiorarrak eskuratu zuen. Bestalde, aramaioar onenaren saria (20.000 pezeta) Enrike Altunak poltsikoratu zuen, eta akzesita (10.000 pezeta) Antonio Ameyu-gorendako izan zen.

Sari banaketaren ondoren, dia-positiben proiektzioa egin zuten kultura etxeko aretoan, eta jende dezente elkartu zen giro politean, batez ere, jende gaztea.

Orain, Argazki Rallyra aurkeztutako argazkiak datorren urteko egutegirako erabiliko dituzte, iaz egin zuten moduan.



HERRIKO JOKOAK

HAIZE ERROTARENA

Zozketa egiten zen nor paratzen zen jakiteko.

Pertsona bat harrapatzen du, hura ukituta. Ukitutako pertsonak bertan gelditu, beso bat zabaldu eta beste batek ukitu zain egon behar du.

Neskek eta mutilek jokatzeko dute, neguan, gehienbat, baina baita bururatutakoan ere.

Bestalde, aurrekoaren alde-ara eginez, badago *Stop* izeneko beste jolas bat.

Zozketa bidez neska edo mutila aukeratzen da. Korrika dabil-tzala, pertsona batek bere burua arriskuan ikustean (norbaitek harrapatuko duela, alegia), besoak zabaldu eta *stop* esan dezake. Postura horri eutsiz, libre dagoen beste norbaitek ukitu eta askatu arte egon behar du horrela. Hortaz, oso normala izaten zen pertsona bat baino gehiago modu horretan aurkitzea. Pertsonaren batek bi aldiz esaten bazuen *stop*, hura jartzen zen jendea harrapatzen. Aspertzean bukatzen zen jolasa. Negu partean jolasten zen.

Aramaioko joko eta jolasak

BOTE PRONTOAN/ Migel Angel Burgi eta Roberto Aginagalde · Herriko karobiak babesteko lanean

“Aramaioko moduko baserri herri txiki-tan horrelakoa da daukagun ondarea”

Makinek hainbeste agintzen ez zutenean, gure arbaso-ek karea eskuz egin behar izaten zuten, karobietan. Horieta-ko ugari egon dira eta oraindik ere badaude; baina gehienak oso ego-era kaskarrean. Aramaioren ere badi-ra karobiak, eta bi lagunek, Bur-gik eta Robertok, herriko karobiak zelanbait zaintzea erabaki zuten. Dagoeneko urtebete eman dute Goi-koerrota karobia berritzen.

Zenbat karobi dago hemen?

Gu oraindik karobiak zerrenda-tzen ari gara. 20-30 ditugu, baina oraindik ikusi ez ditugun batzuk falta dira, auzo bakoitze-an hiruzpalau daude. Eta lehen egondako beste asko desagertu-ta daude.


Noiztik existitzen dira?

Seguru ez dakigu, baina noiz-bait, paper zaharretan ikusita, esaten da eliza egin zenean eta Udaletxea egin zenean karea erabili zutela. Hortaz, susmoa da ordurako bazeudela. Izan ere, jendeak etxeak egiteko karea behar zuen, eta karea egiteko karobia.

Zergatik karobiak zaintzeko interes hori?

Gu berritzen ari garen karobia berritu dugu oso leku berezian dagoelako: ermita bat, iturri bat, erreka bi... bailara polita eta zabala da eta herriatik oso gertu dagoena, paseoan joateko moduan.

Eta beste arrazoi bat da hemen monumentu handirik ez dagoenez, Aramaioko moduko baserri herri txiki-tan zubiak,



karobiak, iturriak, errotak-eta berritu behar ditugula, hori da eta guk dugun ondarea.

Zenbat lagun ari zarete lanean? Zertarako?

Berritze lanak bi lagun artean ari gara egiten, orain dela urtebete. Baina laguntza badugu.

Gure lehenengo helburua zen dauden karobien zerrenda egitea, apurka-apurka ez daitezen desagertzen joan. Eta ideia horrekin hasi ginen lanean. Goikoerrota berritzen aritu gara aste bukaeratan.

Etorkizunari begira...?

Informazio gehiago jasoko dugu, eta gero, erakusketa egin gura dugu Gabonetan, 22an. Eta karea egin gura dugu, akaso txondor eta guzti. Jendeari erakusteko.

GORKA

ILEAPAINDEGIA SOLARIUMA

LUZAPENAK

Ferrerias, 35 ARRASATE
Tel.: 943 77 13 78



Gambrinus
garagardotegia

- Menua:
bazkariak eta afariak
- Karta
- Errazioak

Otalora Lizentziatua, 40-42
Tel.: 943 79 53 32

Altzariak • Diseinua • Apainketa

M
ARENAZA

Bizkai, 1 • ARETXABAETA
Tel.: 943 79 08 07